


**საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტის
სტუდენტური თვითმმართველობის დებულება**

თავი I
ზოგადი დებულებები

მუხლი 1. ზოგადი დებულებები

1. საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტი (შემდეგში „ბსუ“/„უნივერსიტეტი“) ფარული კენჭისყრით, საყოველთაო, თანასწორი, პირდაპირი არჩევნების საფუძველზე იქმნება ბსუ-ს ფაკულტეტების მიხედვით 2 წლის ვადით არჩეული სტუდენტური თვითმმართველობები.
2. ფაკულტეტებზე არჩეული სტუდენტური თვითმმართველობების ერთობლიობა არის ბსუ-ს სტუდენტური თვითმმართველობა (შემდეგში „სტუდენტური თვითმმართველობა“), რომელიც შეიმუშავებს სტუდენტური თვითმმართველობის დებულებას და ახორციელებს „უმაღლესი განათლების შესახებ“ საქართველოს კანონით, უნივერსიტეტის წესდებითა და წინამდებარე დებულებით გათვალისწინებულ უფლებამოსილებებს.
3. ფაკულტეტის თვითმმართველობის წარმომადგელობითი ორგანოს არჩევნებში მონაწილეობის უფლება აქვს ბსუ-ის ნებისმიერ სტუდენტს (ამომრჩეველი) ბსუ-ს ბაკალვრიატის, მაგისტრატურისა და დოქტორანტურის საფეხურიდან, გარდა სტატუსმეჩერებული პირებისა.
4. არჩევნებში კანდიდატად შეიძლება დარეგისტრირდეს აქტიური სტატუსის მქონე ბსუ-ს ბაკალავრიატის სტუდენტი (გარდა მე-4 სემესტრის სტუდენტისა). ან მაგისტრატურის სტუდენტი (გარდა მე-4 სემესტრის სტუდენტისა).
5. ფაკულტეტის სტუდენტთა თვითმმართველობის და ფაკულტეტის საბჭოს წევრი ხდება არჩევნებში მონაწილე საუკეთესო შედევის მქონე კანდიდატი.
6. არჩევნებში მონაწილე კანდიდატების მიერ თანაბარი რაოდენობის ხმების მიღების შემთხვევაში ყველა მათგანი ხდება ფაკულტეტის სტუდენტთა თვითმმართველობის წევრი.
7. სტუდენტური თვითმმართველობა უფლებამოსილების განხორციელებისას დამოუკიდებელია და მის საქმიანობაში ჩარევა ან მასზე რაიმე სახის ზემოქმედების მოხდენა უნივერსიტეტის ადმინისტრაციის ან ნებისმიერი სხვა პირის მხრიდან დაუშვებელია, გარდა კანონით გათვალისწინებული შემთხვევებისა.
8. სტუდენტური თვითმმართველობის ადგილსამყოფელია საქართველო, ქალაქი ბათუმი, რუსთაველის/ნინოშვილის ქუჩა N32/35.
9. სტუდენტური თვითმმართველობას აქვს მრგვალი ბეჭედი წარწერით „საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის სტუდენტური თვითმმართველობა“ (მზადდება სტუდენტური თვითმმართველობის პრეზიდენტის მიმართვის საფუძველზე, ბსუ-ს საქმისწარმოების ინსტრუქციის შესაბამისად).
10. სტუდენტური თვითმმართველობის დაფინანსების წყაროებია უნივერსიტეტის ბიუჯეტი სხვა, კანონით ნებადართული შემოსაცემები.
11. წინამდებარე დებულებაში გამოყენებულ ტერმინებს აქვთ შემდეგი მნიშვნელობა:
 - ა) სტუდენტი - პირი, რომელიც „უმაღლესი განათლების“ შესახებ საქართველოს კანონითა და უნივერსიტეტის წესდებით განსაზღვრული წესით ჩაირიცხა და სწავლობს ბსუ-ში ბაკალავრიატის, მაგისტრატურის, მასწავლებლის მომზადების ინტეგრირებული საბაკალავრო-სამაგისტრო, დიპლომირებული მედიკოსის/სტომატოლოგის; საგანმანათლებლო პროგრამის გასავლელად;



- ბ) ფაკულტეტი - ბსუ-ს ძირითადი საგანმანათლებლო ერთეული, რომელიც უზრუნველყოფს სტუდენტთა შომზადებას ერთ ან რამდენიმე სპეციალობაში და მათთვის შესაბამისი აკადემიური ხარისხის მინიჭებას;
- გ) ფაკულტეტის საბჭო - უნივერსიტეტის შესაბამის ფაკულტეტზე არსებული წამომადგენლობითი ორგანო, რომელიც შედგება ფაკულტეტის აკადემიური პერსონალის ყველა წევრისაგან და ფაკულტეტის სტუდენტთა თვითმმართველობის წარმომადგენლობისაგან, რომელთა რაოდენობა არ შეიძლება იყოს საბჭოს შემადგენლობის $\frac{1}{4}$ - ზე ნაკლები;
- დ) ფაკულტეტის სტუდენტური თვითმმართველობა (შემდეგში „საფაკულტეტი თვითმმართველობა“) - სტუდენტური თვითმმართველობის წარმომადგენლობითი ორგანო, რომელიც შედგება ამ ფაკულტეტის სტუდენტებიდან ფაკულტეტის სტუდენტურ თვითმმართველობაში არჩეული ყველა წევრისაგან;
- ე) პრეზიდენტი - სტუდენტური თვითმმართველობის უმაღლესი თანამდებობის პირი;
- ვ) დეპარტამენტი - სტუდენტური თვითმმართველობის კონკრეტული მიმართულებით საქმიანობის წარმართვისათვის ამავე თვითმმართველობაში შექმნილი აღმასრულებელი სტრუქტურა;
- ზ) დეპულეტი (წინამდებარე) - სტუდენტური თვითმმართველობის ძირითადი სამართლებრივი აქტი, რომლითაც განისაზღვრება სტუდენტური თვითმმართველობის სტუქტურა და საქმიანობის წესი;
- თ) საარჩევნო დებულება - ადგენს ბსუ-ს სტუდენტური თვითმმართველობის არჩევნების მოშზადებისა და ჩატარების წესს, არჩენებში მონაწილე პირთა უფლებებს, საარჩევნო ადმინისტრაციის შექმნის წესსა და უფლებამოსილებას, დებულებით გათვალისწინებულ შემთხვევებში დავის განხილვის წესს.

თავი II

სტუდენტური თვითმმართველობის მიზნები, უფლებამოსილება და სტრუქტურა

მუხლი 2. სტუდენტური თვითმმართველობის მიზნები და საქმიანობის მიმართულებები

1. სტუდენტური თვითმმართველობის მიზნებია:
 - დაცვას და წარმოადგინოს ბსუ-ს სტუდენტების უფლებები და კანონიერი ინტერესები;
 - ხელი შეუწყოს სტუდენტებს უფლებებისა და თავისუფლებების პრაქტიკულ რეალიზაციაში;
 - ხელი შეუწყოს სტუდენტური ცხოვრების გამრავალფეროვნებას;
 - ხელი შეუწყოს უნივერსიტეტის ინტეგრაციას საქართველოს საგანმანათლებლო სივრცეში და მაქსიმალურად უზრუნველყოს სტუდენტთა ჩართულობა ამ პროცესში.
2. სტუდენტური თვითმმართველობა თავის უფლებამოსილების ფარგლებში:
 - იცავს და წარმოადგენს უნივერსიტეტის სტუდენტთა უფლებებსა და კანონიერ ინტერესებს;
 - უზრუნველყოფს უნივერსიტეტის სტუდენტთა უფლებებისა და კანონიერი ინტერესების განხორციელებას;
 - წარადგენს წინადაღებებს სასწავლო პროცესთან და სტუდენტური ცხოვრების წარმართვისათვის საჭირო ფინანსური და მატერიალური რესურსის გამოყენებასთან დაკავშირებით; უნივერსიტეტის ადმინისტრაციასთან თანამშრომლობის საფუძველზე;
 - უზრუნველყოფს სტუდენტთა მონაწილეობას ბსუ-ს მართვაში და ირჩევს წარმომადგენლებს ფაკულტეტის საბჭოში;
 - სტუდენტთა აქტივობის გაუმჯობესებისა და სტუდენტთა უფლებების რეალიზებისათვის გეგმავს, ორგანიზებას უწევს და ახორციელებს შეხვედრებს, დებატებს,



დისკუსიებს, ტრენინგებს, ინტელექტუალურ თამაშებს, საგანმანათლებლო-სამეცნიერო, კულტურულ, სპორტულ, გასართობ და კანონით წებადართულ სხვა სახის ღონისძიებებს;

3) თანამშრომლობს სხვა საუნივერსიტეტო, სამთავრობო და არასამთავრობო,

სახელმწიფო და საერთაშორისო ორგანიზაციებთან, აგრევე გაერთიანებებთან;

4) უფლებამოსილია შეიმუშაოს წინადადებები ბსუ-ს მართვის სისტემისა და სწავლების ხარისხის გასაუმჯობესებლად, რომელთაც წარუდგენს ბსუ-ს შესაბამის მართვის ორგანოს;

5) სტუდენტური თვითმმართველობის მიზნების მისაღწევად ახორციელებს „უმაღლესი განათლების“ შესახებ საქართველოს კანონით, უნივერსიტეტის წესდებითა და ამ დებულებით გაუთვალისწინებელ სხვა უფლებამოსილებებს.

მუხლი 3. სტუდენტური თვითმმართველობის სტრუქტურა

1. სტუდენტური თვითმმართველობის სტრუქტურა მოიცავს მართვის ორგანოებს და თვითმმართველობში ჩამოყალიბებული დეპარტამენტები.
2. სტუდენტური თვითმმართველობის მართვის ორგანოებია:
 - ა) სტუდენტური თვითმმართველობის საერთო კრება;
 - ბ) სტუდენტური თვითმმართველობის გამგეობა;
 - გ) სტუდენტური თვითმმართველობის პრეზიდენტი;
3. სტუდენტური თვითმმართველობის საერთო კრება, გამგეობა და სტუდენტური თვითმმართველობის პრეზიდენტი თვითმმართველობის საქმიანობას ახორციელებს თვითმმართველობის სტრუქტურული ერთეულების - დეპარტამენტების მეშვეობით.

თავი III სტუდენტური თვითმმართველობის მართვის ორგანოები

მუხლი 4. სტუდენტური თვითმმართველობის საერთო კრება

1. სტუდენტური თვითმმართველობის საერთო კრება წარმოადგენს სტუდენტური თვითმმართველობის მართვის ორგანოს, რომელიც შედგება ბსუ-ს ფაკულტეტების სტუდენტურ თვითმმართველობებში არჩეული ყველა წევრისაგან.

2. სტუდენტური თვითმმართველობის საერთო კრება ტარდება კალენდარული წლის განმავლობაში არანაკლებ არისა.

3. სტუდენტური თვითმმართველობის საერთო კრების მოწვევის თარიღს, როგორც წესი, განსაზღვრავს და შესაბამის დღის წესრიგს ადგენს სტუდენტური თვითმმართველობის პრეზიდენტი. შესაძლებელია კრება მოწვეული იქნეს სტუდენტური თვითმმართველობის წევრების არანაკლებ 1/3-ის მოთხოვნით.

4. კრების თარიღისა და შესაბამისი დღის წესრიგის შესახებ სტუდენტური თვითმმართველობის წევრებს ეცნობება კრების ჩატარებამდე არანაკლებ ორი დღისა. (ინფორმაცია გამოქვეყნდება სტუდენტური თვითმმართველობის სამუშაო ოთახთან, ფაკულტეტების სანფონდებით დაფუძნება და ბსუ-ს ვებგვერდზე, შესაბამის ველში).

5. სტუდენტური თვითმმართველობის საერთო კრება უფლებამოსილია, თუ მას ესწრება სრული შემადგენლობის ნახევარზე მეტი.

6. სტუდენტური თვითმმართველობის საერთო კრება:

ა) ირჩევს სტუდენტური თვითმმართველობის პრეზიდენტს;

ბ) სტუდენტური თვითმმართველობის პრეზიდენტის წარდგინერით, დამსწრეთა შემადგენლობის უმრავლესობით ამტკიცებს სტუდენტური თვითმმართველობის ვიცე-პრეზიდენტებს;

გ) სრული შემადგენლობის უმრავლესობით თვითმმართველობის დებულებას;



დ) პრეზიდენტის წარდგინებით ამტკიცებს თვითმმართველობის დეპარტამენტების თავმჯდომარეებს;

ე) სრული შემადგენლობის უმრავლესობით ნიშნავს ცენტრალური საარჩევნო კომისიის 4 (ოთხ) წევრს;

მუხლი 5. სტუდენტური თვითმმართველობის გამგეობა

1. სტუდენტური თვითმმართველობის გამგეობა არის სტუდენტური თვითმმართველობის აღმასრულებელი ორგანო, რომლის წევრებია: უნივერსიტეტის სტუდენტური თვითმმართველობის პრეზიდენტი, მისი მოადგილეები - ვიცე პრეზიდენტები, საფუკულტეტო სტუდენტური თვითმმართველობის თავმჯდომარეები და დეპარტამენტის თავმჯდომარეები.

2. გამგეობა:

ა) შეიმუშავებს სტუდენტური თვითმმართველობის საქმიანობის საერთო პოლიტიკას;

ბ) წარუდგენს წინადადებებს კონკრეტულ დეპარტამენტებს მათი მუშაობის გაუმჯობესების თაობაზე;

გ) განიხილავს პროექტებს და ცალკეულ სტუდენტთა წინადადებებს, რომლებიც შესაბამისობაშია „უმაღლესი განათლების შესახებ“ საქართველოს კანონთან, ბსუ-ს წესდებასთან და ბსუ-ს სამართლებრივ აქტებთან.

მუხლი 6. სტუდენტური თვითმმართველობის პრეზიდენტი

1. სტუდენტური თვითმმართველობის პრეზიდენტი თავმჯდომარეობს სტუდენტურ თვითმმართველობას, უძლევსა საერთო კრების სხდომებს და წარმოადგენს სტუდენტურ თვითმმართველობას მესამე პირებთან ურთიერთობებში.

2. სტუდენტური თვითმმართველობის პრეზიდენტი აირჩევა 2 წლის ვადით საერთო კრების მიერ, სრული შემადგენლობის უმრავლესობით, ფარული კენჭისყრის საფუძველზე,

3. სტუდენტური თვითმმართველობის პრეზიდენტის კანდიდატურის დაყენების უფლება აქვს სტუდენტური თვითმმართველობის წევრების არანაკლებ 1/3-ს.

4. იმ შემთხვევაში, თუ ვერცერთმა კანდიდატმა ვერ დააგროვა არჩევისთვის ხმათა საკმარისი რაოდენობა, მომდევნო კვირის იმავე დღეს ინიშნება მეორე ტური, რომელშიც კრიტი ეყრდნობა არ საუკეთესო შედეგების მქონე კანდიდატს, სადაც არჩეულად ჩაითვლება სრული შემადგენლობის არანაკლებ 1/3-ით არჩეული კანდიდატი.

5. იმ შემთხვევაში, თუ მეორე ტურშიც ვერცერთმა კანდიდატმა ვერ დააგროვა არჩევისთვის ხმათა საკმარისი რაოდენობა, ხუთი დღის ვადაში ტარდება ხელახალი არჩევნები.

6. სტუდენტური თვითმმართველობის პრეზიდენტობის კანდიდატი უნდა იყოს ბსუ-ს სტუდენტურ თვითმმართველობაში არჩეული წევრი, აქტიური სტუდენტის სტატუსის, საქართველოს მოქალაქე, ქმედუნარიანი და არ უნდა იყოს შრომით ურთიერთობაში უნივერსიტეტით.

7. სტუდენტური თვითმმართველობის პრეზიდენტის უფლებამოსილება იწყება მისი არჩევის მომენტიდან და წევრება ახალი პრეზიდენტის არჩევისთანავე.

8. ახალი პრეზიდენტის არჩევისთანავე წინა მოწვევის სტუდენტური თვითმმართველობის გამგეობას, ვიცე-პრეზიდენტებს და დეპარტამენტის თავმჯდომარეებს უწყდება უფლებამოსილება.

9. სტუდენტური თვითმმართველობის პრეზიდენტის უფლებამოსილების ვადამდე ადრე შეწყვეტის საფუძველია:

ა) პირადი განცხადება;

ბ) სტუდენტის სტატუსის შეწყვეტა ან შეჩერება 6 თვეზე მეტი ვადით;

გ) საქართველოს მოქალაქეობის შეწყვეტა;

დ) უნივერსიტეტში დასაქმება;



ე) სასამართლოს მიერ მხარდაჭერის მიმღებად ცნობა, უგზოუკვლოდ დაკარგულად ან გარდაცვლილად გამოცხადება;

3) გარდაცვალება.

4) უნიტერისიტეტის წესდებით, შინაგანაწესით ან ეთიკის კოდექსით გათვალისწინებული წესების დარღვევა (დისციპლინური სახდელის შეფარდება).

10. პრეზიდენტის უფლებამოსილების ვადამდე ადრე შეწყვეტის შემთხვევაში, მის მოვალეობას ასრულებს პირველი ვიცე-პრეზიდენტი.

11. სტუდენტური თვითმმართველობის პრეზიდენტის უფლებამოსილების ვადამდე ადრე შეწყვეტის საფუძველის არსებობის შემთხვევაში, სტუდენტური თვითმმართველობის წევრთა არანაკლებ 1/3-ს შეუძლია საერთო კრების დღის წესრიგში დააყენოს სტუდენტური თვითმმართველობის პრეზიდენტის უფლებამოსილების ვადამდე ადრე შეწყვეტის საკითხი. პრეზიდენტი გადაყენებულად ჩაითვლება, თუ საკითხს მხარს დაუჭირს საერთო კრების სიითი შემადგენლობის 1/3.

12. სტუდენტური თვითმმართველობის პრეზიდენტი:

ა) ხელმძღვანელობს სტუდენტურ თვითმმართველობას;

ბ) დებულებით გათვალისწინებულ შემთხვევებში იწვევს საერთო კრებას და სტუდენტური თვითმმართველობის გამგეობას და უძლევბა სხდომებს;

გ)წარმოადგენს სტუდენტურ თვითმმართველობას უნივერსიტეტის ადმინისტრაციასთან, მართვის ორგანოებთან და ასევე მესამე პირებთან ურთიერთობებში;

დ) უფლებამოსილების ფარგლებში გამოსცემს განკარგულებას;

ე) კოორდინაციას უწევს სტუდენტური თვითმმართველობის ორგანოთა საქმიანობას;

ვ) საერთო კრებას დასამტკიცებლად წარუდგენს ვიცე-პრეზიდენტების კანდიდატურებს;

ზ) თვითმმართველობის უფლებამოსილების ვადის ამოწურვამდე არაუგვიანეს 1 (ერთი) თვისა, ასევე შესაბამისი ფაკულტეტის ადმინისტრაციის მოთხოვნის საფუძველზე ამ ფაკულტეტის სტუდენტური თვითმმართველობის წევრთა კანონით დადგნილი რაოდენობის შევსების საჭიროებისას, არაუგვიანეს 1 (ერთი) თვისა, აცხადებს სტუდენტური თვითმმართველობის არჩევნებს.

თ) ნიშავს საარჩევნო კომისიის 3 წევრს და საერთო კრების მიერ სხვა დანარჩენი 4 (ოთხი) საარჩევნო კომისიის წევრის არჩევის შემდეგ გამოსცემს საარჩევნო კომისიის შექმნის შესახებ საბოლოო აქტს - განკარგულებას.

ი) სტუდენტური თვითმმართველობის არჩევნებამდე 1 თვით ადრე განსაზღვრავს ფაკულტეტების სტუდენტური თვითმმართველობის ასარჩევი წევრების ზუსტ იდენტიფიკაციას „უმაღლესი განათლების შესახებ“ საქართველოს კანონისა და ბსუ-ს წესდების შესაბამისად.

კ) ახორციელებს ამ დებულებით გაუთვალისწინებელ სხვა უფლებამოსილებებს, რომლებიც არ უწინააღმდეგება საქართველოს კანონმდებლობას ან/და უნივერსიტეტის წესდებას.

13. სტუდენტური თვითმმართველობის პრეზიდენტი ვალდებულია:

ა) დაიცვას სტუდენტური თვითმმართველობის წევრისათვის აუცილებელი მოთხოვნები;

ბ) ხელი შეუწყოს ბსუ-ს სტუდენტების (მათ შორის თვითმმართველობის წევრის სტატუსის არქმნე სტუდენტების) ინიციატივების განხილვას და შემდგომ განხორციელებას;

გ) დაიცვას სტუდენტების ინტერესები სასწავლო პროცესში და მოახდინოს უნივერსიტეტის სასწავლო პროცესებში სტუდენტური ინტერესების ლობირება;

დ) სტუდენტური თვითმმართველობის სახელით არ განახორციელოს რომელიმე პოლიტიკური პარტიის მხარდაჭერი განცხადება ან აქცია;

ე) უზრუნველყოს არჩევნების დადგენილ დროში (ან/და საჭიროებისამეტრ) გამოცხადება და ხელი შეუწყოს წინასაარჩევნო და საარჩევნო პროცესის სამართლიანად და გამჭვირვალედ მიმდინარეობას;

ვ) 6 თვეში ერთხელ უნივერსიტეტის მართვის ორგანოებს წარუდგინოს ინფორმაცია სტუდენტური თვითმმართველობის მიერ წარმოებული აქტივობებისა და მომდევნო 6 თვეში განსახორციელებული (დაგეგმილი) აქტოვობის განხორციელების შესახებ.



14. სტუდენტურ თვითმმართველობას ჰყავს ორი ვიცე-პრეზიდენტი, რომელთაც პრეზიდენტის წარდგინებით ამტკიცებს საერთო კრება.

15. პირველი ვიცე-პრეზიდენტი ხელს უწყიბს სტუდენტური თვითმმართველობის პრეზიდენტის უფლება-მოვალეობების განხორციელებას ფაკულტეტების სტუდენტური თვითმმართველობების დონეზე, ხოლო მეორე ვიცე-პრეზიდენტი ხელს უწყიბს სტუდენტური თვითმმართველობის პრეზიდენტის უფლება-მოვალეობების განხორციელებას თვითმმართველობის დეპარტამენტების დონეზე და უზრუნველყოფს დეპარტამენტების საქმიანობის კოორდინაციას.

თავი IV

სტუდენტური თვითმმართველობის წევრის სტატუსი, ულებამოსილება და ფაკულტეტის სტუდენტური თვითმმართველობა

მუხლი 7. სტუდენტური თვითმმართველობის წევრის სტატუსი და ულებამოსილება

1. სტუდენტური თვითმმართველობის წევრი არის თვითმმართველობის საარჩევნო დებულებით დადგნილი წესით ბსუ-ს ფაკულტეტის სტუდენტურ თვითმმართველობაში არჩეული სტუდენტი.

2. სტუდენტური თვითმმართველობის წევრი არის ფაკულტეტის წარმომადგენელი, რომელიც თავის უფლებამოსილებას ახორციელებს პირადად და მისი გაწვევა დაუშვებელია.

3. სტუდენტური თვითმმართველობის წევრად შეიძლება არჩეული იქნეს მხოლოდ უნივერსიტეტის სტუდენტი, რომელიც იმავდროულად არ იმყოფება შრომით ურთიერთობაში უნივერსიტეტან.

4. სტუდენტური თვითმმართველობის წევრის უფლებამოსილების ვადა განისაზღვრება არჩევიდან 2 წლის ვადით და ავტომატურად წყდება (არ საჭიროებს დამატებითი აქტის გამოცემას) ახლადარჩეული სტუდენტური თვითმმართველობის უფლებამოსილების ცნობისთანავე.

5. სტუდენტური თვითმმართველობის წევრის სტატუსი წყდება და გამოიცემა პრეზიდენტის განკარგულება შემდეგ შემთხვევებში:

ა) ბსუ-ს სტუდენტის სტატუსის შეწყვეტისას (საგანმანთლებლო პროგრამის ვადის ამოწურვა, პირადი განცხადება და სხვა);

ბ) 6 თვეზე მეტი ვადით შესაბამისი საფეხურის საგანმანთლებლო პროგრამის სტუდენტის სტატუსის შეჩერებისას ან გაცვლითი პროგრამის ფარგლებში უცხო ქვეყანაში სასწავლებლად წასვლა 6 თვეზე მეტი ვადით;

გ) ბსუ-ს ერთი ფაკულტეტიდან სხვა ფაკულტეტზე გადასვლისას (მობილობა);

დ) უნივერსიტეტში დასაქმების შემთხვევაში;

ე) სტუდენტური თვითმმართველობის დებულებით დაკისრებული მოვალეობის ზედიზედ სამი თვის განმვლობაში შესრულებლობა, ასევე იმ ფაკულტეტის საბჭოს და წარმომადგენლობითი საბჭოს სხდომებზე მონაწილეობის სისტემატიურად, ან ზედიზედ 5-ჯერ მიუღებლობა (გაცდენა), რომლის წევრიც არის;

ვ) უნივერსიტეტის წესდებით, შინაგანაწესით, ეთივის კოდექსით ან ამ დებულებით დადგნილი ვალდებულებებისა და წესების დარღვევისას;

ზ) სასამართლოს მიერ მხარდაჭერის მიმღებად ცნობისას, უგზოუკლოდ დაკარგულად ან გარდაცვლილად გამოცხადებისას ან გარდაცვალებისას.

6. წევრის უფლებამოსილების ვადამდე შეწყვეტის შემთხვევაში სტუდენტური თვითმმართველობის უფლებამოსილების ვადით მისი წევრი ხდება კანდიდატი, რომელმაც შესაბამის არჩევნებში უფლებამოსილებაშეწყვეტილი წევრის შემდეგ სმების უმეტესი რაოდენობა მოაგროვა. ასეთის არარსებობის შემთხვევაში ტარდება არჩევნები

უფლებამოსილებაშეწყვეტილი წევრის დარჩენილი ვადით შესაბამისი წარმომადგენლის ასარჩევად.

12. სტუდენტური თვითმმართველობის წევრი უფლებამოსილია:

ა) მონაწილეობა მიიღოს სტუდენტური თვითმმართველობის მართვის ორგანოების მუშაობაში;

ბ) აირჩიოს და თავად იყოს არჩეული სტუდენტური თვითმმართველობის მართვის ორგანოებში;

გ) დებულებით განსაზღვრული მიზნებს განსახორციელებლად წინადადებებით მიმართოს სტუდენტური თვითმმართველობის მართვის ორგანოებს;

დ) მიიღოს მონაწილეობა სტუდენტური თვითმმართველობის მიერ ორგანიზებულ ღონისძიებებში ან თავად შეიმუშავოს და განახორციელოს ისინი;

ე) მიიღოს ყოველგვარი ინფორმაცია სტუდენტური თვითმმართველობის საქმიანობის შესახებ;

ვ) განახორციელოს საქართველოს მოქმედი კანონმდებლობითა და ამ დებულებით გათვალისწინებული სხვა უფლებამოსილებანი.

7. სტუდენტური თვითმმართველობის წევრი ვალდებულია:

ა) შეასრულოს სტუდენტური თვითმმართველობის დებულებით მასზე გათვალისწინებული ვალდებულებები;

ბ) დაიცვას უნივერსიტეტისა და სტუდენტური თვითმმართველობის სახელი, ავტორიტეტი და გაუფრთხილდეს უნივერსიტეტის ქონებას;

გ) მიიღოს მონაწილეობა სტუდენტური თვითმმართველობის საქმიანობაში, დაესწროს სტუდენტური თვითმმართველობის საერთო კრების და ფაკულტეტების სტუდენტური თვითმმართველობის სხდომებს;

დ) დაესწროს იმ ფაკულტეტის საბჭოს და წარმომადგენლობითი საბჭოს სხდომებს, რომლის წევრიც პრის.

მუხლი 8. ფაკულტეტის სტუდენტური თვითმმართველობა

1. ფაკულტეტის სტუდენტური თვითმმართველობა (შემდეგში საფაკულტეტი თვითმმართველობა) არის სტუდენტური თვითმმართველობის წარმომადგენლობითი ორგანო, რომელიც შედგება ამ ფაკულტეტიდან სტუდენტურ თვითმმართველობაში არჩეული ყველა წევრისაგან- ბსუ-ს სტუდენტებისგან.

2. ფაკულტეტის სტუდენტურ თვითმმართველობას ხელმძღვანელობს თავმჯდომარე, რომელიც აირჩევა ფაკულტეტის სტუდენტური თვითმმართველობის წევრებიდან, ამ თვითმმართველობის წევრების სრული შემადგენლობის უმრავლესობით, ღია კუნძულების საფუძველზე.

3. თვითმმართველობის თავმჯდომარის უფლებამოსილების ვადა ემთხვევა მისი, როგორც ამ თვითმმართველობის წევრის უფლებამოსილების ვადას.

4. საფაკულტეტო თვითმმართველობა იყრიბება არანაკლებ თვეში ერთხელ. საფაკულტეტო თვითმმართველობის სხდომებს უძღვება თავმჯდომარე, ხოლო მისი არყოფნის შემთხვევაში - თავმჯდომარის ერთ-ერთი მოადგილე. სხდომა უფლებამოსილია, თუ მას ეწრება სრული შემადგენლობის ნახევარზე მეტი. ხმების გაყოფის შემთხვევაში, გადამწყვეტილება თავმჯდომარის ხმა.

5. ფაკულტეტის სტუდენტური თვითმმართველობის სხდომა მოიწვევა თავმჯდომარის ინიციატივით, ასევე: ა) საფაკულტეტო თვითმმართველობის წევრთა 1/3-ის მოთხოვნით; ბ) უნივერსიტეტის თვითმმართველობის პრეზიდენტის ან მასთან შეთანხმებით პირველი ვიცე-პრეზიდენტის მიერ.

6. ფაკულტეტის სტუდენტური თვითმმართველობა:

ა) ამტკიცებს ფაკულტეტის სტუდენტური თვითმმართველობის მდივანს სიითი უმრავლესობით;



ბ) უფლებამოსილებას უწყვეტს თავმჯდომარეს ან/და მდივანს სრული შემადგენლობის არანაკლებ 2/3-ით;

გ) განიხილავს სტუდენტთა პროექტებსა და წინადადებებს და მიზანშეწონილობის შემთხვევაში უფლებას თვითმმართველობის პრეზიდენტს;

დ) წყვეტს სტუდენტური თვითმმართველობის კომიტეტის მიუთვნებულ საკითხებს, რომლებიც წამოიჭრება ფაკულტეტზე;

ე) ახორციელებს სხვა უფლებამოსილებებს, რომლებიც არ ეწინააღმდეგებება „უმაღლესი განათლების შესახებ“ საქართველოს კანონს, ბსუ-ს წესდებას და ამ დებულებას.

მუხლი 9. ფაკულტეტის საბჭოს წევრი ფაკულტეტის სტუდენტური თვითმმართველობის წარმომადგენლი

1. ფაკულტეტის საბჭო შედგება ფაკულტეტის აკადემიური პერსონალის ყველა წევრისაგან და ფაკულტეტის სტუდენტთა თვითმმართველობის წარმომადგენლობისაგან, რომელთა რაოდენობა არ შეიძლება იყოს საბჭოს შემადგენლობის ¼ -ზე ნაკლები.

2. ფაკულტეტის საბჭოში სტუდენტთა თვითმმართველობის წარმომადგენლობა რაოდენობა განისაზღვრება ამ ფაკულტეტის დებულებით.

3. ბსუ-ს ფაკულტეტებზე ასარჩევო ფაკულტეტის სტუდენტთა თვითმმართველობის წევრების რაოდენობა არ უნდა იყოს ფაკულტეტის აკადემიური პერსონალის 1/3-ზე ნაკლები. ზუსტ რაოდენობას, არჩევნებამდე არანაკლებ ერთი თვით ადრე განსაზღვრავს თვითმართველობის პრეზიდენტი (თავმჯდომარე).

4. ფაკულტეტის საბჭოს წევრი სტუდენტი ვალდებულია:

ა) დაესწროს საბჭოს სხდომებს, და სხდომაზე მიღებული გადაწყვეტილებების შესახებ მიაწოდოს ინფორმაცია ფაკულტეტის თვითმმართველობის წევრებს;

ბ) ფაკულტეტის საბჭოს სხდომაზე არგამოცხადების შემთხვევაში დროულად მიაწოდოს ინფორმაცია ფაკულტეტის დევანს და ფაკულტეტის თვითმმართველობის თავმჯდომარეს;

გ) ბსუ-ს სტუდენტის სტატუსის შეწყვეტის ან 6 თვეზე მეტი ვადით შეჩერების შემთხვევა დაუყოვნებლივ აცნობოს ფაკულტეტის თვითმმართველობის თავმჯდომარეს.

5. თვითმმართველობის წევრის სტატუსის შეწყვეტა იწვევს ფაკულტეტის საბჭოს წევრის სტატუსის შეწყვეტას. ანიშნულის შესახებ სტუდენტის მიერ, ასევე ფაკულტეტის სტუდენტური თვითმმართველობის თავმჯდომარის და თვითმმართველობის პრეზიდენტის მიერ დაუყოვნებლივ (არაუგვანეს 5 სამუშაო დღისა) უნდა ეცნობოს შესაბამისი ფაკულტეტის დევანს. ამ ვალდებულების შეუსრულებლობა გამოიწვევს სტუდენტისაუსამგებლობას ბსუ-ს შინაგანაწესისა და ეთივის კოდექსის მიხედვით.

მუხლი 10. სტუდენტური თვითმმართველობის დეპარტამენტი


1. სტუდენტური თვითმმართველობის დეპარტამენტი არის სტუდენტური თვითმმართველობის კონკრეტული მიმართულებით საქმიანობის წარმართვისათვის ამავე თვითმმართველობაში შექმნილი აღმასრულებელი სტრუქტურა.

2. დეპარტამენტი შედგება დეპარტამენტის თავმჯდომარის, თავმჯდომარის მოადგილისა და წერილისაგან, რომლებიც ახორციელებენ დეპარტამენტის მართვას და რომელთაც დეპარტამენტში სათაობირო ხმის უფლება გააჩინათ.

3. დეპარტამენტის თავმჯდომარეს, თავმჯდომარის მოადგილესა და დეპარტამენტებში შემავალ წევრებს მტკიცებენ გამგეობის სხდომაზე.

4. დეპარტამენტის წევრები უნდა იყვნენ თითოეული ფაკულტეტის სტუდენტური თვითმმართველობიდან წარდგენილი ერთი წევრი. შესაძლებელია სტუდენტური თვითმმართველობის წევრის სტატუსის არმქონებს ბსუ-ს სტუდენტის ჩართვა.

5. დეპარტამენტი უზრუნველყოფს თვითმმართველობის წევრის სტატუსის არმქონების მიერ წარმოდგენილი პროექტების დამუშავებას და მის განხორციელებაში ხელშეწყობას.



6. დეპარტამენტი უფლებამოსილია, თუ მას ესწრება სრული შემადგენლობის ნახევარზე შეტერი. გადაწყვეტილება მიიღება დამსწრეთა უმრავლესობით.

7. სტუდენტური თვითმმართველობის დეპარტამენტის სხდომა ტარდება თვეში ერთხელ და მას უძღვება დეპარტამენტის თავმჯდომარე, მისი არყოფნის შემთხვევაში კი თავმჯდომარის მოადგილე.

8. სტუდენტურ თვითმმართველობაში დასახული მიზნების აღსრულებისათვის შექმნილია შემდეგი დეპარტამენტები:

- ა) განათლებისა და მეცნიერების;
- ბ) კულტურის;
- გ) სპორტის;
- დ) ტურიზმის.

9. განათლებისა და მეცნიერების დეპარტამენტი გეგმავს და აწყობს დებატებს, დისკუსიებს, ტრენინგებს, ინტელექტუალურ თამაშებს, კონფერენციებს და სხვა საგანმანათლებლო-სამეცნიერო ღონისძიებებს.

10. კულტურის, დეპარტამენტი გეგმავს და აწყობს თეატრალურ, კულტურულ, შემოქმედებით და კანონით წებადართულ სხვა ღონისძიებებს, აგრეთვე შეხვდრებს სტუდენტური საზოგადოებისათვის სასურველ პიროვნებებთან.

11. სპორტის დეპარტამენტი აწყობს შეჯიბრებებს, ჩემპიონატებს სპორტის სხვადასხვა სახეობებში, თანამშრომლობს სპორტის დეპარტამენტთან, აგრეთვე ცალკეულ სპორტის სახეობათა ფედერაციებთან და ახორციელებს კანონით წებადართულ სხვა ღონისძიებებს.

12. ტურიზმის დეპარტამენტი გეგმავს და აწყობს ლაშქრობებს, ექსკურსიებს, სტუდენტთა დასვენებისა და განტვირთვისათვის საჭირო, კანონით წებადართულ სხვა ღონისძიებებს.

თავი V

დასკვითი დებულებანი

მუხლი 11. დებულების მიღება, ცვლილებები და დამატებები და ძალაში შესვლა

1. სტუდენტური თვითმმართველობის დებულება მტკიცდება სტუდენტური თვითმმართველობის საერთო კრებაზე, ხმათა უმრავლესობით.
2. შესაძლებელია თვითმმართველობის დებულებაში ცვლილებების ან/და დამატებების შეტანა სტუდენტური თვითმმართველობის მართვის ორგანოების, პრეზიდენტის ან წევრთა 1/3-ის ინიციატივით.
3. წინამდებარე დებულება ძალაშია 2017 წლის 14 თებერვლიდან.

სტუდენტური თვითმმართველობის
პრეზიდენტი

